

## **Swati - Ndvudvuto imiBhalo - Comfort Scriptures**

**2 KubaseKorinthe 1:2-4 Umusa nekuthula lokuvela kuNkulunkulu longuBabe wetfu, naseNkhosini Jesu Khristu, akube nani. 3 Akabongwe Nkulunkulu uYise weNkhosi yetfu Jesu Khristu, longuYise wemusa. Yebo, akabongwe Nkulunkulu longumtfombo wayo yonkhe indvudvuto. 4 Yena uyasidvudvuta etinhluphekweni tetfu tonkhe; kuze labo labasetinhluphekweni sibe nemandla ekubadvudvuta ngaleyo ndvudvuto lesiyemukela kuNkulunkulu.**

**Taga 15:13 Inhlitiyo lejabulile yenta buso bujabule; kodvwa ngelusizi umoya uyephuka.**

**1 Emakhosi 8:66 Kwatsi ngelilanga lelilandzelako wabe sewuyabacitsa bantfu. Batsi kube bantfu bayibusise inkhos, babuyela emakhaya abo bajabule kakhulu, batsakasile etinhlitiyweni tabo ngako konkhe lokuhle Simakadze labekwentele inceku yakhe Davide kanye nesive sakhe, ema-Israyeli.**

**1 Tikhronike 16:10 Tibongeni ngeLibito lakhe lelingcwele, atijabule tinhlitiyo talabafuna Simakadze.**

**Taga 12:25 Kukhatsateka kuyamondzisa umuntfu; kodvwa livi lemusa limenta ajabule.**

**Taga 13:12 Nangabe kufezeka kwematsema emuntfu kwephuta, inhlitiyo yakhe iyacindzeteleka; kodvwa kufezeka kwesifiso kuletsa emandla.**

**Isaya 30:26 Inyanga iyawukhanya njengelilanga, nekukhanya kwelilanga kuyawuphindvwa kasikhombisa, ngangekukhanya kwemalanga lagcwele lasikhombisa, ngesikhatsi Simakadze nakabopha emanceba esive sakhe, elapha tilondza letavetwa guye.**

**Hoseya 13:8 Njengelibhele nalemukwe bantfwabalo, ngiyawubesukela ngibadladlabule. Njengelibhubesi ngiyawubashwabudzela, silwane sesiganga siyawubadzabudzabula.**

**1 Samuweli 1:8,10 Elkhana, indvodza yakhe, abekhuluma kuye atsi: "Hana, ukhalelani? Awudli ngani? Ukhatsateke leni? Mine angincono kakhulu yini kuwe kunemadvodzana lalishumi?" 10 Ngenca yebuhlungu nekukhatsateka kwakhe emphefumulweni, Hana wakhala kakhulu, wathandaza kuSimakadze.**

**Tihlabelelo 25:16,17 Gucukela kimi, Simakadze, ube nemusa kimi, ngobe nginesitunge, ngihluphekile. 17 Ngiphumute kuletinhlupheko tenhlitiyo yami, ungikhokhe etinhluphekweni tami.**

**Tihlabelelo 34:18 Simakadze uhlala asedvute nabo labanetinhlitiyo letephukile uyabasindzisa labanemoya lowephukile.**

**Tihlabelelo 38:8 Ngibutsakatsaka, ngidvubuteke kabi, ngiyabubula ngenca yekutfutfumela enhlitiyweni yami.**

**Tihlabelelo 55:4 Inhlitiyo yami iyatfutfumela ngekhatsi kwami, sengiseluvalweni Iwekuwa.**

**Tihlabelelo 61:2,3 Ngikhala kuwe ngikhashane, emajukujukwini emhlaba,**

**ngesikhatsi inhlitiyo yami idzangele. Ngiholele edvwaleni leliphakeme kakhulu kunami. 3 Ngobe wena usiphephelo sami, uyinqaba lengumbhoshongo locinile wekungivikela esitseni sami.**

**Tihlabelelo 62:8 Nine sive, yetsembelani kuye ngato tonkhe tikhatsi, tfululelani kuye tinhltiyo tenu, Nkulunkulu usiphephelo setfu. Cabanga.**

**Tihlabelelo 73:26 Nome umtimba nemphefumulo wami kwehluleka, kodvwa Nkulunkulu ulidvwala lenhlitiyo yami, nesabelo selifa lami ingunaphakadze.**

**Tihlabelelo 77:2,3 Nangiselusizini ngifuna Simakadze, nasebusuku ngiphakamisa tandla tami, ngikhuleke ngingadzinwa, umphefumulo wami wale kudvudvuteka. 3 Ngiyamkhumbula Nkulunkulu bese ngiyabubula; ngiyacabangisia, bese umoya wami uphelelwa ngemandla. Cabanga.**

**Tihlabelelo 86:11 Ngifundzise indlela yakho, Simakadze, ngiyawuhamba ecinisweni lakho; yenta inhlitiyo yami ihlose intfo yinye: kutsi ilesabe libito lakho.**

**Tihlabelelo 109:22 Ngobe mine ngisihlupheki nalomphofu, inhlitiyo yami idzabukile.**

**Tihlabelelo 112:7,8 Imibiko lemibi ayimesabisi, inhlitiyo yakhe icinile, yetsembele kuSimakadze. 8 Unesibindzi, angeke esabe, aze abone kujahiswa kwetitsa takhe.**

**Tihlabelelo 143:4 Ngako-ke umoya wami udzangele, nenhlitiyo yami iyatfutfumela.**

**Tihlabelelo 147:3 Labanetinhltiyo letephukile uyabaphilisa, abophe emanceba abo.**

**Taga 14:30 Ingcondvo lenekuthula iletsha imphilo emtimbeni; kodvwa umona ufanana nekubola kwematsambo.**

**Umshumayeli 1:13 Ngatimisela kutsi ngekuhlakanipha ngifundze ngiphenysisse ngako konkhe lokwentiwa emhlabeni. Maye, mkhulu umtfwalo Nkulunkulu lawetfwese bantfu!**

**Umshumayeli 2:10 Konkhe emehlo ami labefisa kukubuka, ngangiwanika kona. Angizange ngitibambe ngisho nakukunye kutijabulisa. Ngatijabulisa ngawo wonkhe umsebenti wami; loku kwaba ngumvuzo wami ngawo wonkhe umsebenti wami.**

**Umshumayeli 2:22,23 Umuntfu utfolani ngako konkhe kukhandleka kwakhe nekushikaneka kwakhe lakwentako lapha ngaphansi kwemtfunti welilanga? 23 Kuto tonkhe tinsuku tekuphila kwakhe, umsebenti wakhe yiminjunju nekuhlupheka; ngisho nasebusuku ingcondvo yakhe ayinako kuphumula. Nako loko kulite.**

**Umshumayeli 11:10 Ngako-ke cosha kungeneliseki engcondvweni yakho, utsintsitse tinhlupheko emtimbeni wakho, ngobe busha nekucala kwemphilo kulite nje.**

**Isaya 30:29 Niyawuhlabela njengalobo busuku lenenta ngabo lidzili lelingcwele, tinhltiyo tenu tiyawujabula njengesikhatsi bantfu bakhuphuka ngemintjingo, bakhuphukela eNtsaben'i yaSimakadze, eDvwalen'i lema-**

**Israyeli.**

**Isaya 57:15 Ngobenguloko lokushiwo ngulophakeme Losetulu, lolibito lakhe lingulongcwele, utsi:** “**Ngihlala etulu endzaweni lengcwele, kodvwa nakuye lodzabukile nalotfobekile emoyeni, kutewuvuselela umoya walabatfobekile nekuvuselela tinhlitiyo talabephukile emoyeni.**

**Isaya 65:14 Tinceku tami tiyawuhlabela ngenca yekujabula lokuphuma etinhlitiyweni tato; kodvwa nine niyawukhala ngenca yekudzabuka kwetinhlitiyo, nilile ngenca yekudzabuka kwemoya.**

**Isaya 66:13,14 Njengemfati nakadvudvuta umntfwanakhe, nami ngiyawunidvudvuta kanjalo, nginidvudvutele eJerusalema.” 14 Niyawutsi nanikubona loku, inhlitiyo yenu ijabule, niyawuhluma njengetjani; sandla saSimakadze siyawukwatiwa etincekwini takhe, atifukutselele titsa takhe.**

**Jeremiya 15:16 Emavi akho atsi nakefika kimi, ngawadla, aba yinjabulo yami nentfokoto yenhlitiyo yami, ngobe ngibitwa ngeLibito lako, awu, Simakadze Nkulunkulu longuSomandla.**

**Jeremiya 24:7 Ngiyawubapha inhlitiyo yekwati mine kutsi mine nginguSimakadze. Bayawuba bantfu bami, mine ngibe ngulunkulu wabo, ngobe bayawuphendvukela kimi ngayo yonkhe inhlitiyo yabo.**

**Johane 14:1 “Inhlitiyo yenu ingakhatsateki, kholwani ngulunkulu nikholwe nangimi.**

**Johane 14:27 “Nginishiya nekuthula. Lokuthula lenginipha kona akufanani nesipho selive. Tinhlitiyo tenu tingabokhatsateka futsi tingesabi.**

**Johane 16:6 Kodvwa njengobe senginitjelile nje, tinhlitiyo tenu setilusizi.**

**Johane 16:22 Kunjalo-ke nakini, kwamanje niselusizini, kodvwa ngitawuphindze nginibone futsi, tinhlitiyo tenu tiyawujabula kakhulu. Kute futsi umuntfu loyakunemuka loko kujabula kwenu.**

**Imisebenti yeba Phostoli 2:46 Onkhe emalanga babecinisela njalo ekuhlanganeni ethempelini, banhlitiyonye, babevakashelana emakhaya, badle ndzawonye ngetinhlitiyo letijabulako naletitfobekile,**

**KubaseRoma 9:2 nginelusizi lolukhulu, nebu lungu lobungapheli enhlitiywani yami**

**2 KubaseKorinthe 2:4 Nganibhalela ngisebuhlungwini ngidzabukile enhlitiywani, tinyembeti tigcwele emehlo, hhayi ngobe ngifuna kunivisa buhlungu, kepha kuze nati kutsi nginitsanza kangakanani.**

**Kubase-Efesu 5:19 Niphendvulane ngemahubo, nangemaculo, nanetingoma takaMoya; nihlabele nidvumise iNkhosi ngenhlitiyo yenu yonkhe.**